



Minggu, 12 September 2021

Ogen: Kuan-kuanen 29:15,17



Nehken Ajar Man Anak



Anak eme pemere Dibata kubar jabu-jabuta. Amin anak labo tujun manusia ibas erjabu tapi e jadi sada kesempatan nehi pendilo dengen pedah Dibata guna nerusken kegeluhen idoni enda. Ibas kalak Karo, nai, anak e jadi tujun, adi langa lit buah jabu, emaka la sitik si rusaha nuriken dalam gelah banci lit si man owahen. La sitik anding-andingen siibelasken kerna anak e: rudang-rudang kegeluhen, tambar latih, buah bara ras kata-kata sideban pe. Enda nuriken kuga kelengna ras belinna arapenta nandangi pemere Dibatata e.

Renungenenta wari enda pe nuriken kuga pentingna nehken kata ajar man anak. Gelah seh kal kerina arapenta nandangi anak-anakta tentuna siarak-arak geluhna alu pedah ras ajar, gelah kal tetap mejile, merim la macik tangke rudang-rudangta e. Isuratken pe maka arus sisehken kata ajar e sabab mehuli man bana, labo salah nami-nami anak tapi adi rusursa banci jadi juru kita. Adi seh dengen ilakokenna pedahta e kemalemen ate ulihna man banta, la kal kita juru. Tami amin sempat pe e jadi, ula kal kita 'patah hati' tetaplah semangat ndalani geluhta janah ula kal ngadi nehken pedah.

Wari enda eme ulangtahun anak singuda itengah gerejanta, PERMATA GBKP si pe 73 ken. Tentuna sebaga nande mbelin arapenta nandangi anak singuda e. Anak sindube sididongdoahken, sikuning-kuningi. Gerejanta pe ngarapkan anak PERMATA jadi pasu-pasu man doni enda. Gelah enda jadi tentuna arus tetap si sehken kata pedah ras ajar dengen si arak arak ka alu pertotonta. Sabab la sitik pinakit sosial, pengajuk doni si atena ncedai rudang-rudangta e. Sidukung program-programna guna jadi dalam nehken dirina jadi pasu-pasu. Si totoken dengen sikataken man permata ibas runggunta. Kataken SELAMAT ULANG TAHUN alu sada tangkai bunga, 'jaga ula kal sempat macik tangke anakku' ninta.